

La Molinera.

Molinera, güeyos negros
con neñina fecha d'augua
de la que mueve'l molín
de la qu'examás se para,
quien pudiera ser la xana
qu'ente'l molín s'agospiara.

Cuanta maxa lleves dientro
pa facer farina d'augua
viendo dar vueltas les muelas
pasa adulces la ivermada

Naguo por ser la farina
que selemente calistra
los poros de la camisa
qu'endolca la to natura d'augua
si supieras que te quiero
amurniarías la mirada,

Siguiré siendo furtiva
sabiamente amatagada
entre fatos prexuicios
que la sociedá mos instaure
Siguiré siendo furtiva
sabiamente amatagada

Naguando por un futuru
enllenu d'esperanza
suañando colos placeres
de los qu'agora toi privada
si albidrara que me quieres
morrería esgayolada
nun habría home en tierra
que conociera dicha más alta

solamente camentalo
camuda'l xeitu la mio cara.
Apigazar na to vera
esconsonar na to cama
ser parte de la to vida
ser la familia que te falta
si supieras molinera
cuanto te quiero mio alma.

Quien fuera l'agua que mueve
el molín de la to casa
pa ser parte la to vida
y dexar de vivir arrequexada
por una sociedá inxusta
que castiga a la llesbiana
que toes llevamos dientro
soterrándola pa que nun salga
si supieras molinera
cuanto te quiero mio alma
apigazar na to vera
esconsonar na to cama
si supieras molinera
cuanto te quiero mio alma
apigazar na to vera
esconsonar na to cama.